

declarar deserto algún dos premios convocados.

O prazo de resolución do xurado será dun máximo de dez días a partir da data límite de entrega dos traballos. O nome dos gañadores e gañadoras publicárase na páxina web do Concello (www.betanzos.net) logo da resolución do xurado. Así mesmo, o Concello comunicarlle ás persoas premiadas a hora e lugar da entrega dos premios.

OITAVA

O Concello de Betanzos resérvase o dereito de difusión e/ou publicación dos traballos gañadores. Neste sentido os/as autores/as renuncian a calquera tipo de remuneración polos dereitos de autoría.

NOVENA

A participación nesta convocatoria supón a aceptación das normas recollidas nestas bases e da decisión do xurado designado.



ORGANIZA:



CONCELLO
DE BETANZOS



COLABORAN:



XUNTA DE GALICIA
Consellería de Educación e
Ordenación Universitaria



Deputación
DA CORUÑA



Concurso de creación literaria



O Concello de Betanzos convoca o VIII Concurso de creación literaria que pretende promover a escrita creativa e fomentar a creación literaria en galego.

BASES PRIMEIRA

O tema é libre e os textos deberán presentarse en lingua galega. Os orixinais deberán estar mecanografados a dobre espazo por unha soa cara con letra Times New Roman ou Arial, tamaño 12 puntos ou similar. Os textos que se presenten poderán ser relatos curtos (cunha extensión máxima de cinco páxinas) ou poesías (cunha extensión máxima de cinco poemas). Cada participante só poderá presentar un texto ao concurso.

SEGUNDA

Establécense tres categorías para a participación. Haberá dous premiados en cada unha das categorías, un primeiro premio e un accésit. A primeira categoría está aberta ao alumnado da ESO dos centros de ensino de Betanzos. A segunda categoría está aberta ao alumnado de Bacharelato e ciclos formativos dos centros de ensino de Betanzos. A terceira categoría está aberta a calquera persoa maior de idade.

Na categoría do alumnado da ESO haberá un primeiro premio de 300 euros e un accésit de 150 euros. Na categoría do alumnado de

Bacharelato e ciclos formativos haberá un primeiro premio de 300 euros e un accésit de 150 euros. Na categoría aberta a calquera persoa maior de idade haberá un primeiro premio de 300 euros e un accésit de 150 euros. Sobre a contía do premio aplicaranse as retencións fiscais oportunas.

TERCEIRA

As persoas participantes concorrerán cunha única obra orixinal, inédita e individual. Os textos presentaranse cun pseudónimo e un título. Para garantir o anonimato, nos textos non poden aparecer datos persoais nin sinaturas.

Os textos achegaranse nun sobre pechado no que constará por fóra o pseudónimo, o título do texto e a categoría (ESO, Bacharelato e ciclos formativos ou aberta). Dentro, nun sobre pechado pequeno, figurarán os datos persoais da persoa (nome e apelidos, idade, enderezo postal e electrónico, teléfono, curso e centro) e no exterior deste sobre dos datos persoais figurará o pseudónimo, o título do texto e a categoría (ESO, Bacharelato e ciclos formativos ou aberta).

CUARTA

O prazo de entrega dos traballos está aberto desde o 5 de abril ata o 7 de maio de 2018 (incluído este). Os textos poderanse entregar nas secretarías do IES Francisco Aguiar, do IES

As Mariñas e do CPR Nosa Señora do Carme "Atocha", no Servizo de Normalización do Concello de Betanzos (Oficinas Xerais, edificio Liceo) ou na Biblioteca Municipal Alfonso Castelao.

QUINTA

A convocatoria deste concurso e as súas bases publicaranse no *Boletín Oficial da Provincia da Coruña*, así como na páxina web do Concello de Betanzos (www.betanzos.net) e no taboleiro de anuncios.

SEXTA

Os criterios para a concesión dos premios serán a calidade e a orixinalidade dos textos, así como a innovación literaria, a creatividade na escrita, a corrección lingüística e a adecuación aos obxectivos do concurso. Valorarase a calidade estética, lingüística e da redacción, así como a orixinalidade do texto presentado.

SÉTIMA

O xurado estará composto por un/unha presidente/a e un /unha secretario/a nomeados/as para tal efecto e mais un/unha vogal de cada un dos centros de ensino de Betanzos con alumnado participante, así como algún membro de recoñecido prestixio no ámbito cultural. O xurado está facultado para tomar a decisión que considerar oportuna ante a aparición dalgún imprevisto non recollido expresamente nestas bases. O xurado resérvase o dereito de